



Broj: 05-04-20-4682-3/22
Maglaj, 10.11.2022. godine

Na osnovu člana 70. Zakona o javnim nabavkama („Službeni glasnik BiH“, br. 39/14 i 59/22) i člana 42. Statuta Općine Maglaj („Službene novine općine Maglaj“, br. 8/07, 3/08 i 6/08), a u vezi sa Zapisnikom o pregledu i ocjeni ponude, broj 05-04-20-4682-2/22 od 09.11.2022. godine, u postupku javne nabavke „Izgradnja kamene obaloutvrde rijeke Liješnice na ušću potoka Krbeši“, Općinski načelnik donosi

ODLUKU o izboru najpovoljnijeg ponuđača

I

Prihvata se preporuka komisije za javne nabavke i ugovor za izvođenje radova na izgradnji kamene obaloutvrde rijeke Liješnice na ušću potoka Krbeši dodjeljuje se ponuđaču „Hajdić“ d.o.o. Maglaj, u skladu sa ponudom broj 70/22 od 08.11.2022. godine, po ukupnoj cijeni od 71.247,94 KM bez PDV-a, odnosno 83.360,08 KM sa PDV-om.

II

Ponuđač iz tačke I dužan je, u roku od pet dana od dana zaprimanja ove odluke, dostaviti dokaze koji su tenderskom dokumentacijom i Zakonom o javnim nabavkama utvrđeni kao dokazi koje je obavezan dostaviti izabrani ponuđač.

III

Za realizaciju ove odluke zadužuje se Služba za urbanizam, geodetske i imovinsko-pravne poslove Općine Maglaj.

IV

Ova odluka dostavlja se svim ponuđačima koji su učestvovali u postupku javne nabavke i ima se objaviti na web stranici Općine Maglaj.

O b r a z l o ž e n j e

Odlukom o pokretanju postupka, broj 05-04-20-4682/22 od 17.10.2022. godine, pokrenut je postupak javne nabavke „Izgradnja kamene obaloutvrde rijeke Liješnice na ušću potoka Krbeši“, otvoreni postupak. Predmetna javna nabavka objavljena je na Portalu javnih nabavki, Obavještenje o nabavci broj 1140-1-3-115-3-56/22 od 17.10.2022. godine, čiji je sažetak objavljen u „Službenom glasniku BiH“, broj 70/22. Kriterij za dodjelu ugovora je najniža cijena.

Predmetni postupak je provela Komisija za javne nabavke, imenovana Odlukom broj 05-45-1-1069/22 od 19.05.2022. godine. U toku postupka, Komisija je zaprimila pristigle ponude, izvršila njihovo otvaranje, pregled i ocjenu, prema zahtjevima i kriterijima iz tenderske dokumentacije, o čemu je sačinila odgovarajuće zapisnike, u skladu sa čl. 63. stav (5) i 65. stav (2) Zakona o javnim nabavkama.

Blagovremeno su zaprimljene dvije ponude: ponuda ponuđača „Hajdić“ d.o.o. Maglaj i ponuda ponuđača „Geo-put“ d.o.o. Maglaj. Neblagovremenih ponuda nije bilo.

Komisija je provela otvaranje ponuda, u skladu sa odredbama člana 63. Zakona o javnim nabavkama, nakon čega je ponuđačima dostavila zapisnik o otvaranju ponuda.

Na zatvorenoj sjednici, komisija je pristupila pregledu i ocjeni ponuda.

Provjeravajući, prije svega, uslove za kvalifikaciju ponuđača, komisija je utvrdila da ponuđač „Hajdić“ d.o.o. Maglaj ispunjava sve kvalifikacione uslove propisane tenderskom dokumentacijom, odnosno da je dostavio sve tražene dokaze u skladu sa zahtjevima iz tenderske dokumentacije, a koji su taksativno pobrojani u zapisniku o pregledu i ocjeni ponuda.

Analizirajući potom ponudu ponuđača „Geo-put“ d.o.o. Maglaj, komisija je utvrdila da imenovani ponuđač nije uspio dokazati da ispunjava uslove koji se odnose na profesionalnu i tehničku sposobnost, tačnije nije uspio dokazati da je u posljednje tri godine (računajući od dana dostavljanja ponude) uspješno izvršio jedan ili više ugovora koji su za predmet imali radove srodne radovima koji su predmet konkretne nabavke, a čija ukupna vrijednost je bila minimalno 72.000,00 KM (bez PDV-a). Kao dokaz o ispunjavanju navedenih uslova, dostavljen je spisak ugovora, te potvrde druge ugovorne strane, kako je i traženo tenderskom dokumentacijom. Međutim, prema stavu stručnih lica komisije, radovi navedeni kako u spisku ugovora, tako i u dostavljenim potvrdama, nisu srodni radovima koji su predmet konkretne nabavke.

Naime, dostavljene potvrde Grada Zenica i „Natron-Hayat“ d.o.o. Maglaj o uredno izvršenim ugovorima odnose se na sljedeće radove:

- a) asfaltiranje puta za Stjepanoviće, MZ Banlozi,
- b) asfaltiranje puta za Donje Smajiće u MZ Bistričak,
- c) rekonstrukcija i asfaltiranje lokalnog puta kroz Gornje Smajiće,
- d) sanacija saobraćajnice za skladištenje celuloznog drveta u krugu „Natron-Hayat“ d.o.o. Maglaj.

S obzirom da se navedeni radovi odnose na asfaltiranje i sanaciju saobraćajnica, komisija je ocijenila da isti nisu srodni sa radovima na izgradnji obaloutvrde, što je predmet ove nabavke. Nesporno je da su u oba slučaja u pitanju građevinski radovi, međutim u konkretnom slučaju ne postoji dovoljan nivo srodnosti, budući da izgradnja obaloutvrde podrazumijeva određene specifične radove, a kako ponuđač „Geo-put“ d.o.o. Maglaj nije uspio dokazati dosadašnje iskustvo na uspješnom izvođenju takvih radova, njegova ponuda je ocijenjena neprihvatljivom, te je kao takva, odbačena.

Posljedično, preostala je samo jedna prihvatljiva ponuda – ponuda ponuđača „Hajdić“ d.o.o. Maglaj, te je Komisija dala prijedlog rukovodiocu ugovornog organa da sa navedenim ponuđačem zaključi ugovor, cijeneći da isti ispunjava sve uslove tražene tenderskom dokumentacijom, da dostavljena ponuda formom i sadržajem odgovara zahtjevima iz tenderske dokumentacije, kao i činjenicu da ponudena cijena nije viša od procijenjene vrijednosti, tj. osiguranih sredstava za ovu nabavku.

U postupku donošenja ove odluke, posebno su cijenjene činjenice da je komisija, sastavljena od stručnih lica, pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijima iz tenderske dokumentacije. Ugovorni organ nije našao nepravilnosti niti propuste u radu komisije, koji bi eventualno bili osnov za neprihvatanje date preporuke za izbor najpovoljnijeg ponuđača i dodjelu ugovora. Uvidom u

priloženu dokumentaciju, utvrđeno je da je komisija u svemu pravilno postupila, te da je izabrani ponuđač dostavio prihvatljivu ponudu, a imajući u vidu navedeno, kao i činjenicu da je kriterij za dodjelu ugovora u predmetnom postupku najniža cijena, ugovorni organ je utvrdio da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Na osnovu izloženog, a primjenom člana 64. stav 1. tačka b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU: Protiv ove odluke može se izjaviti žalba Uredu za razmatranje žalbi, putem ugovornog organa, u roku od 10 (deset) dana od dana prijema Odluke.

DOSTAVLJENO:

1. Ponuđači – putem maila
2. Služba za urbanizam, geodetske i imovinsko-pravne poslove
3. Web stranica
4. a/a



